



Liječnička/Ljekarska Komora Hercegovina – neretvanske županije/kantona

Medical Chamber of Herzegovina-Neretva Canton

88000 MOSTAR, Ul. Dr. Bariše Smoljana br. 4

Tel/fax: +387(0)36 319 853

E-mail : lijecnicka.komora.hnz@tel.net.ba

Slijedom nemilih događaja kojima su ljekari svakodnevno izloženi, Liječnička/Ljekarska Komora HNŽ/K je pokrenula inicijativu za dobijanje statusa „službene osobe“ kroz važeće zakonske okvire u F BiH.

Već duže vrijeme ljekari su svakodnevno izloženi raznim vrstama pritisaka, prijetnjama, verbalnim, pa čak i fizičkim napadima pojedinih pacijenata.

Od Parlamenta F BiH i Vlade F BiH kao najmjerodavnije institucije zahtjevali smo da ljekari, kao nosioci posla u zdravstvenom sistemu, a dok su na radnom mjestu, imaju status „službene osobe“, te da se svaki napad na njih, bilo verbalni ili fizički, tretira kao kazneno djelo.

Shodno važećim zakonskim propisima Službena osoba je izabrani ili imenovani dužnosnik ili druga službena osoba u tijelima zakonodavne, izvršne i sudske vlasti i u drugim tijelima uprave i službama za upravu Federacije, kantona, gradova i općina koje obavljaju određene upravne, stručne i druge poslove u okviru prava i dužnosti vlasti koja ih je osnovala; osoba koja stalno ili povremeno obavlja službenu dužnost u navedenim organima i tijelima; ovlaštena osoba u gospodarskom društvu ili u drugoj pravnoj osobi kojoj je zakonom ili drugim propisom donesenim temeljem zakona povjereno obavljanje javnih ovlasti, a koja u okviru tih ovlasti obavlja određenu dužnost; te druga osoba koja obavlja određenu službenu dužnost temeljem ovlasti iz zakona ili drugog propisa donesenog temeljem zakona.

Liječnička/Ljekarska Komora HNŽ/K zajedno sa Sindikatom doktora medicine i stomatologije HNŽ/K je u stavu zaštite struke i traženju zakonske odgovornosti pri napadu na ljekare i medicinsko osoblje na radnom mjestu, kao i to da se ovakvi napadi u budućnosti tretiraju kao napadi na službenu osobu.

Stoga smo predložili da se što hitnije uzme u razmatranje ova problematika koja je po statistikama svaki dan veća, te tražili pravnu zaštitu ljekara zbog primjene fizičke sile, odnosno da se ljekarima dodijeli status „službene osobe“, kao i to da se napad na ljekare tretira kao krivično djelo.

**Predsjednik Komore
Prim.dr. Mehmed Haznadar**

Predsjednik: prim.dr. Mehmed Haznadar

Podpredsjednik/dopredsjednik : doc.dr.sc. Antonio Sesar

Račun kod Raiffeisen Bank d.d. BiH, filijala Mostar 1610200045190070

IDB: 4227528550001; Sudski broj : Tt-O-945/06; 2 – 294